Zeitschrift: Die deutschen Mundarten : Monatschrift für Dichtung, Forschung und

Kritik

Band: 5 (1858)

Artikel: Dialekt der Stadt Schaffhausen.

Autor: Zehnder, F.

DOI: https://doi.org/10.5169/seals-179704

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. Mehr erfahren

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. En savoir plus

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. Find out more

Download PDF: 14.07.2025

ETH-Bibliothek Zürich, E-Periodica, https://www.e-periodica.ch

Krotta, pl. v. Krott, f., Kröte; auch für ein Kind gebraucht; Z. IV, 471, 36. — 11. brusele, rauschend durch die Zweige (broß; Schm. I, 265. Grimm, Wb. II, 399) fallen. — 12. näch 's notta, nach Noten, d. i. derb, tüchtig; ebenso in Koburg, namentlich: durchprigeln noch Noten. — 15. hért, hart, dicht, nahe. — 20. genöter, Comparativ v. genöt, geschwind, sehr; Z. III, 213, 5. — 24. eppas, etwas. — 26. it, nicht; Z. III, 526, 26. Grimm, gramm. III, 738. — bißse, gebissen, gejückt.

Dialekt der Stadt Schaffhausen.

Das Steckenpferd,

eine Betrachtung von F. Zehender in Schaffhausen.

Es hät en jede Mensch si Steckepferd!

Da isch ka Frôg; i' glaub es stîf und fest,
Und s gilt für Jung und Alt, für Arm und Rîch,
Für's Bettlervolch, für's Künigs Majestät:
Es hät en jede Mensch si Steckepferd!

Und wer's nid glaubt, geb Acht en Augeblick,
I' leg's ihm ûs mit dûtlichen Exemple.

Do sieh-n-i' zerst en alte Züripfarrer, I' meine, ab der Landschaft: wîssi Hôr Umchränzed ihm die hohi, ernsti Stirne, 10 Und ûs den Auge strahlt en milde Glanz. De' rûmt em Morge frush, noch eh d' Frau Pfarrer De Kaffi bringt, si Pfîfli flîsig ûs Und putzt de Pfîfechopf und blôst dur's Rohr, 15 Und endlich stopft er's mit Bidocht, zündt's â Mit Zundel; denn er isch's sid Altem g'wohnt; D. Zündhölzli hät er nie recht möge schmöcke -So sa't er selber — und jez trîbt er ernsthaft Die dicke blaue Wulke vor sich her Und schaut ənə nô' mit innigem Vergnüəge. 20 Er brächt um Alles nid e Tässli abe, Wår nid si Tubakpfîfli i der Or'ning. Und wenn er z. Nacht bîm Glasli alte Wî Im Lehnstuehl sitzt und sprochet mit der Frau Vun alte Zîte und vum liebe Sô, 25 Und was er ächt ô' trîbi z Zûri' inne,

So muəfs 'es Tubakpfîfli liəb und werth	
Mit chräftige Düfte sîni Wort bigleite.	
Und wemmen erst em Samstig z. Obid sieht	
Mit lange Schritte ûf und ab spaziere	30
Im Garte — allweg lernt er a der Bredig,	
A Wort um's ander, wie's die rechte mached —	
So muəss es Tubakpfîfli mitspaziere,	
Und hett ers nid, er wår en gschlagne Mâ,	
Er chönt em Suntig druf ka Bredig hâ ⁻ !	35
Und wett sich eine lustig mache drob,	
I' ruəf ihm zuə: "Min guəte Fründ, häsch g hört,	
Es hät en jede Mensch si Steckepferd!	
Vergunn's ihm nid! Glaub, 's isch uf Ehr ka Sünd!	
Wer weiß, öb me' bi dîr ka größers findt!"	4 0

I' kenn e Jumpfere im Bernerbbiet, Jung isch si numme, aber doch no' artig; I netti Löckli wicklet si so sûber Die silberwîfse Hôr, und ihri Bäggli, Si blushed allewîl no' vu frischem Roth, 45 Als chami de Farb vum gliche Molermeister, Der alli Johr im Herbst d. Kapännerli So herzig färbt, — die trîbt e b·sundri Kunst Und si verstoht si ussem Fundement. De meinsch, 'es Höggle öbbe und 's Brodiere? **5**0 Wît g'fehlt! Selb würd i' nid so ästimiere! Nei, 's Chuechlibache! — Gang em Ostermentig, Oder a der Pfingste, oder em Sylvester Am Hus verbî, so stîgt der halt en Duft 55 Dur d. Nasen ûf, so fî, so sûəls und zart, Als säßisch unter Pomeranzebäume Im Land Italia; — und häsch 'es Glück Und ladt si di' zum Kaffi î, - potz Welt! So lauft der 's Wasser ganz im Mûl deringum, Schu wenn d. no' vor der Stubethure stohsch. 60 De Tisch siehsch volle Brätzle und Makronli Und Müllerrådli und wer weis wa mê! Jez wenn d. ere witt en rechte G. falle thue,

So schlag so tapfer wie-n-en Dröscher drî~!

Denn luəgt si di' mit helle-n-Auge-n-â	65
Und denkt bi-n-ihre selbst: "Hä, isch nid wohr?	
Es bacht doch Niemert d. Chüəchli so wie du!" —	
Und wenn d. Frau Schwöster oder e Frau Båsi	
Visite hät, so stoht si schu vor Tag	
Am Würkbrett, schafft am Teig und 's Meitli muəss	70
De Ofe fure, und vor 's Ümmis isch,	
So stöhnd die schönste Chüəchli fertig do,	
Goldgål und rösch, ka Tådeli isch drâ !	
Und z. Obid ziered si e schöni Blatte.	
Wenn 's Niemert weiß, 's châ's jede lîcht errothe,	75
Wem so süperbi Chüəchli grothe.	
Und goht e Wuche ganz verbî,	
Dass si nid chönti hülfrîch sî	
Mit ihrer Kunst, so — glaub: mer's nû'! —	
So isch si gar nit woll im Lû~.	80
Sobald si aber wieder Chüəchli bacht,	
Isch uf der Stell guet Wetter gemacht.	
Du denksch bi dîr und lachisch gwüss debî:	
"Das muəss e curjosi Jumpfern sî!"	
Doch glaub mer: Ville isch si lieb und werth, —	85
's hät halt en jede Mensch si Steckepferd!	
Vergunn's ere nid! 'es Chüəchle isch ka Sünd!	
Wer weiß, öb me' bi dîr ka größers findt!	
g	
Und wîters kenn i' no' en alte Herr	
I selber Stadt, wo De', de' 's Schwîzerland	90
Erschaffe hät zum schönste Land der Welt,	•
Zum Rhîstrom sa't: "Rechtsum und vorwärts marsch!	
Nimm jez dî Weg alsgmach gu Holland abe!	
Doch mach mer unterwegs kan Rhîfall mê!	
D. Schaffhûser söllid das aparti hâ	95
Vor allem andre Volch" — i selber Stadt, —	00
Si isch nid arm, — 's chönt Manche, wo drin wohnt,	
Mit aller G-walt die Zîsli nid verbrôsle,	
Die-n-er îzücht vu sîne Millione;	
	100
Doch isch si ô' nid gîzig, — z Hampflewîs	100

Streut Manche drin vum volle Ueberflus	
Si redlich Theil gern unter d. Armuəth ûs —	
Churz', z. Basel kenn i en komode Herr,	
Der hät si Lebelang nu' wenig g wüßt	
Vu Sorg und Müəh um's täglich Brot, es hät	105
Sin Großpapa e prächtig stattlich Hûs	
Und Cheller drin mit manchem volle Fass	
Voll alte Wî em Papa hinderlû,	
Und de' 'em Sô~; dem isch si grbsti Freud,	
Sei·s am Giburtstag, sei·s am Namistag,	110
En große Chranz vu Vettere-n-und Base	
Z· versammle um sîn Tisch, und was de' Tisch	
Nu trắge mag, das stellt er ûf: Bastete,	
Fasane, Zunge, Turten und Confekt	
Und Basler Leckerli gar z [.] Hûfewîs,	115
Und alle goht er selbst mit guətem Beispil	
Voran und weiß die beste Möckli z·schätze.	
Je besser 's aber sîne Gäste schmeckt,	
Je tůfer si i's Glåsli schaued und	
Sî G·sundheit trinked, desto fröhlicher	120
Strahlt über d. Tafle hî si heiter G. sicht.	
Drum hät er en ganz b·sundere Instinkt,	
Usz wittre, wele Zuckerbeck und wele	
Scharcütier im Groß und Chlîne Basel	
Die beste Blatte wüßi z fabriziere;	125
Und mit Husfraue chan er stundelang	
I gründlich tufe Gespröche dischgeriere.	
Doch wo-n-er hort vu armer Lüte Noth,	
Do goht si mildi Hand vu selber ûf:	
Er lueget der en Thaler, en Dugote	130
Nid â, er git en hî mit großer Freud.	
Drum, sa't mer öbbert vu dem Basler Herr:	
"I' thät mi schäme, wenn i' da' Schleckmûl war,"	
So säg i': Er isch mer ammeg lieb und werth;	
s hät halt en jede Mensch si Steckepferd!	135
Er isch debi doch guet und liebrîch gesinnt;	
Gib Acht, das me' bi dîr ka größers findt!	

Mundart der Stadt Schaffhausen.	401
Und endlich hâ-n-i' in ere liebe Stadt Vu altehrwürdige Sitte-n-und Gebräuche E wackeri Hûsfrau kennt: die alte Zîte Mit ihrem Glanz hät si no g sehe und I sîdenem Kleid, i vornehmer Visite	140
Isch si an manchem Spiltisch g·sesse, manchmol Mit halbem Herze bloss; — e nobli Art Und öbbis no' vu adeligem Stolz, Das hät mi' all mit b·sunderem Respekt Vor selber Frau erfüllt. En weiche Lehnstuehl,	145
De' Basler Volksbot und e Basler Chätzli, E guəti Brülle no', mit diese Dinge Hät si in ihre stille alte Tage Sich vilmôl tröst t. Doch chunt no' Eins derzuə Und uhni das wår ihr a dieser Welt	150
Gar manches Blüəmli abg welkt und erstorbe. Sobald de' Zeiger uf der Stubenuhr Uf's Füfi zueruckt, lueget si vum Buech Biswîlen uf und lôset, öb uf der Laube No' nid en wohlbikannte Tritt erschalli.	155
Und wie si figiduldig ebe will Vum Lehnstuehl sich erhebe, luege, so bringt 'es Meitli en altlächt viereckig Gestell Mit geschweifte Füeße, stelltes ab nebe'm Tisch, Und uf de warme Gluete singt im Chessel	160
'es süttig Wasser. — "Schöneri Musik Git's kani für e rüəhig Fraueg-müəth Us alter Zît" — so denkt si, holt bidächtig 'es silberi Chrüəgli und di g-mölet Theebüchs Mit sammt den alte Tassen usem Chaste,	165
Und grad, als gåb's en seltne Zaubertrank, So misst si 's Theechrût mit erfahr nem Blick, Schütt 's süttig Wasser dra, stellt d' Tassen umme, Holt d' Zuckerbüchs, verschnîdt 'es Brot, — manchmôl Sind Weggli oder Simmering parat,	170
Im Fall si d. Frîtig-Cumpenie erwartet. Und wenn si merkt ûs uralter Erfahring, De' Thee hei zoge, wie 's si' g'hôrt, so sitzt me	175

An Tisch, die ganz Famili — und no' mê	
Als Thee und Milch, als Simmering und Weggli	
Erquickt 'es G·müəth das liebrîch traulich G·spröch.	
Denn, wie wenn alli edle guete Geister	
Verschlosse wårid i dem Wundertrank,	180
Der duftig ûs em Silberchrüegli strömt,	
So güst er e ganz üserordetlich	
Behaglich G·füəhl in alli Fraueg·müəther.	
Und bringt de' Tag e widrig Aergernus,	
Stöhnd uf der Stirne Wulke vu Verdruß,	185
Und 's singt de' Theechessel si g-wöhnlich Stück,	
So zühed sich allsgmach die Wulke z rück,	
Und duftet denn de' Trank ûs voller Tasse,	
So weiss me' sich in Friede wieder z fasse;	
Und isch di letzte Tasse leer,	190
So lît de' Verdruss im tüfste Meer,	
Wie d. Sunn. am Himmel d. Hûsfrau strahlt:	
So hät de Thee e Wunderg walt.	
Drum, wer der brave Frau de Thee verwehrt,	
Bedenk, 's hät jede Mensch si Steckepferd!	195
Und so eins macht no' sanft und fröhlich gesinnt:	
Gib Acht, dass me' bi dîr ka grôssers findt!	
So git's vil Steckepferd no' i der Welt,	
Und de Mensche gäbides nid um Guət und Geld;	900
Sie sattled's flîssig jede Tag ûf's neu	200
Und blîbed bis zur letzte Stund ihm treu.	
Und wer o' meint, me' wüssi nünt devû, —	

Drum lebst du gern im Friede, wie's si' g'hôrt,
So loss du Jedem gern si Steckepferd,
205
So lang's en nid uf unerlaubte Wege
Mit List und G'walt will i's Verderbe träge.
Fahr nid grad drî mit Spott! Gnuəg hesch jez g'hôrt:
's hät halt en jede Mensch si Steckepferd,
Und 's Best isch, wenn debî sich Jede b'sinnt,
Öb me' bi-n-ihm nid noch e größers findt.

Wa gilt's, me' würd ihm doch dehinder chû'!